

南開大學中國社會史研究中心資料叢刊

近代世界地理志

13



鳳凰出版社

南開大學中國社會史研究中心資料叢刊

近代世界地理志

13



鳳凰出版社

第十三册

海國圖志 (九) 魏源 編著 清光緒二年

.....

卷六十至卷六十九

海國圖志

(九)

魏源 編著

清光緒二年

卷

六

十

六

十

卷六 至卷六 十

新刊

新刊

海國圖志

卷六十之
六十二

英國圖志

六十二
卷六十二

海國圖志卷之六十

外大西洋

邵陽魏源輯

彌利堅國卽育奈士迭國總記

原本

案粵人稱曰花旗國其實彌利堅卽墨利加又作
美理哥乃洲名非國名也西洋稱部落曰士迭而
彌利堅無國王止設二十六部頭曰別公舉一大
頭目總理之故名其國育奈士迭國譯曰兼攝邦
國

育奈士迭國在北阿墨刺加洲中爲最巨之區其地自

古不通各洲土曠人稀皆因底阿生番游獵其間耶穌

紀歲千二百九十二年

宋祥興十五年

呂宋之戈攬麻士乘船

西駛始知此地創立佛羅里達部落開墾興築將二百

年闢地未廣千五百八十四年

明萬曆十二年

英吉利女王衣

里薩柏時有英吉利人往彌利堅海岸開墾大呂宋人

拒戰英吉利人敗走英國女王依里薩柏遂遣勇將精

兵往墾其地無人敢阻遂名其地曰洼治泥阿續遣二

臣協創部落復墾羅阿朶之地英國占士王遂設甘巴

尼二員分治之一曰蘭頓甘巴尼一曰勃列茂甘巴尼

又於所屬各部落增設岡色爾之官而總轄於蘭頓之

岡色爾又遣三巨船每船載百有五人瀕河建築部落

卽以國王之名名之曰占士部落千六百有七年

明萬曆三

十五年英人與土人爭鬪英之首領士彌爲土目包哈但

所擒自後英人不敢橫行惟與土人互相嫖姪生齒日

熾千六百二十一年

明天啟元年

英國設總領于注治尼阿

是年嚴禁波羅特士頓教斯教逃出數百人由荷蘭駕

舟至彌利堅開墾創建城邑曰紐英蘭千六百二十八

年

明崇禎元年

復得沙廉地卽今馬沙朱碩士部落自設總

領自立律例千六百三十二年明崇禎五年覓出紐含社千

六百三十五年明崇禎八年覓出勃羅威電次年開出衰弱

底格千六百三十八年明崇禎十一年復開出紐含汾并歷年

在海岸所墾之緬地均建築城邑設官治理尙有歐羅

巴人續墾洲內各地千六百四十二年明崇禎十五年英國女

王馬里阿勅加特力教之律官來治此地亦以國王之

名名之其地曰馬里蘭千六百六十三年康熙二年英國查

爾士王令數臣往墾彌利堅南隅卽今之戈羅里那亦

以國王之名名之其首部落曰查爾士頓後又擴地開

疆遂分爲南戈羅里、北戈羅里。明年英國復奪取荷蘭

與綏林所墾之紐育、紐惹西、若地拉洼三部落。至是千

六百八十年，康熙十九年，英吉利水師官威廉邊者復開賓

西爾洼尼阿部落。千七百三十二年，雍正十年，英人復墾若

治阿之地，竭心力，歷艱險，至千七百五十二年，乾隆十七年，

始成部落，無異於戈羅里。計英吉利占土王至查爾士

王二代所得阿彌利堅洲內之部落，十有六區。悉將因

底阿土番驅之遐陬。千七百五十六年至六十三年，乾隆

二十一年至二十八年，復興兵奪據佛蘭西國所墾之加那達佛

羅里達兩大部落除墨西哥一國外凡歐羅巴人所墾
阿彌利堅洲部落歸英國者十有八區盛極生驕強徵
稅餉部眾籲免不聽千七百七十六年乾隆四十年土眾憤
怒次年遂約佛蘭西大呂宋荷蘭諸仇國助兵恢復爰
議以戈攬彌阿之注申頓爲首區總統兵馬稱爲育柰
士迭國與英國血戰七年客不敵主大破英軍國勢遂
定千七百八十三年乾隆四十八年卽有附近彌斯栖比各部
落前來歸之千七百九十二年乾隆五十七年有根特機部落
率眾附之千七百九十六年嘉慶元年地尼西部眾咸背英

吉利而附之。洼門部落在阿希阿地開墾，歷十四年之

久始成部落。於千八百有二年，嘉慶七年，即來歸之。因底阿

那伊里內斯西隅之阿那麻馬，同彌斯西比極南近海

之佛羅里達緬地馬沙朱碩斯，以及彌斯西比東邊各

部落米梭里諸部落，於千八百十六年至二十年，嘉慶二十

一年至二
十五年，先後歸之。千八百三十六年，道光十五年，阿千薩

斯、米治顏同時附之。此外尚有彌斯栖比西隅之雷栖

阿那一部落，亦以價贖諸佛蘭西而歸。育奈士迭管轄

統計設立育奈士迭以後，凡六十年，創建大部落二十

有七稱大國與英吉利爲勍敵

政事自千七百八十九年

乾隆五十四年

議立育奈士迭國以

戈攬彌阿之洼申頓爲首區因無國王遂設勃列西領
一人綜理全國兵刑賦稅官吏黜陟然軍國重事關係
外邦和戰者必與西業會議而後行設所見不同則三
占從二升調文武大吏更定律例必詢謀僉同定例勃
列西領以四年爲一任期滿更代如綜理允協通國悅
服亦有再畱一任者總無世襲終身之事至公舉之例
先由各部落人民公舉曰依力多經各部落官府詳定

送衮額里士衙門核定人數與西業之西那多里勃里
先特底甫官額相若各自保舉一人暗書彌封存貯公
所俟齊發閱以推薦最多者爲入選如有官舉無民舉
有民舉無官舉彼此爭執卽由里勃里先特底甫於眾
人所舉中揀選推薦最多者二人仍由各依力多就三
擇一膺斯重任其所舉之人首重生于育奈士迭國中
尤必居住首區歷十四年之久而年逾三十五歲方爲
合例否則亦不入選

設立副勃列西領一人卽衮額里士衙門西業之首領

若勃列西領遇有事故或因事出國卽以副勃列西領
暫理其保舉如前例

設立衮額里士衙門一所司國中法令之事分列二等

一曰西業一曰里勃里先好司

好司二字猶衙門也

在西業執事者曰西那多每部落公舉二人承充六
年更代所舉之人必居首區九年而年至三十歲者
方爲合例專司法律審判詞訟如遇軍國重事其權
固操之勃列西領亦必由西那多議允施行常坐治
事者額二十人曰士丹各甘密底無額數者曰甘密